



11
1774
8



鐵琴銅劍樓書目寓簡有胡茨村印 楹書隅錄宋本東
萊博議有燕越胡茨村藏書印 經籍訪古志安南志略
十九卷羽倉用九藏清黃丕烈從五研樓傳鈔本黃氏手
跋曰是書原本爲胡茨村藏余所藏他書亦有胡茨村印
記必好書之人矣頃友人攜徐昂發詩中有題胡茨村畫
像二首急錄之以著其人之時代并識茨村果好書者云
金泥小字刻牙籤連屋書囊當畫韞盡日細緇黃白本始
知閒味十分甜銀魚焚卻幾經春種竹開池寄此身窗外
碧雲高百尺此君清態最宜人前一首可見校書之勤後
一首可想閒居之樂昌熾案茨村名介祉字循齋山陰人
宛平籍少保兆龍子由蔭生歷官河南按察使著隨園詩



1774
8

集詳見兩浙輶軒錄毛西河詩話載其鈔突泉詩一首稱其詩盛為當時所推竹垞賞屬其刻宋本十家宮詞有序見集中其藏書印冠以燕越二字者以南人隸北籍故耳

蕘翁皆未能知也

洞庭波兮渺愁予故人來自碧山居香山海嶽雲林筆價重人問未見書

孫潛歐園

吹網錄避暑錄話世傳惟稗海津逮兩本曩聞郡中某氏藏有二本一為孫潛夫依舊抄善本手校於稗海本上一為抄本而未校者余曾借得未校之本有黃蕘翁跋謂自序一篇商毛二刻所無孫氏据舊抄本補入似即黃氏錄孫潛夫本也 士禮居藏書題跋記唐僧宏秀集孫潛夫

藏本 鐵琴銅劍樓書目五代史闕文孫潛夫抄卷末記云辛酉夏六月借黃俞邵鈔本一勘 又江文通集有孫潛之印孫二酉珍藏諸朱記 昌熾案全謝山校水經注一為孫潛夫本謝山跋云予游吳下問諸後進莫知潛夫之本末者矣潛夫名潛字馭園一字節生又曰知節君又附錄潛夫跋云康熙丁未十一月十八日從葉石君處借清常道人三校本一勘又用柳大中家抄宋本再勘是日石君從洞庭來述山中所聞見如李龍眠之馬米元章楷書寶章待訪錄其所見也白樂天手寫金剛經一行一楷趙韓王家譜張循王鐵券倪雲林手書所著江南詞其聞而未見者也

吾愛詩人孫寶洲芒鞋日日訪彬侯家書亦比牛腰大梵志
山經自校讎孫淇寶洲

海虞詩苑孫淇字寶洲號竹鄉孫氏自西川先生以來以
詩世其家君繼之宗仰蓋在白蘇兩家昌熾案淇有市肆
蓄書歌爲曹彬侯作云吾生嗜好類蝨蟬此外都非性所
喜先業於今說如夢教授生徒豈得已浮沈薄俗淡世味
一卷未能輕脫屣又歲暮書懷云書載牛腰徒壓擔詩餘
雞肋未成編是亦能嗜古振奇之士矣 陳祖范孫竹鄉
哀詞不踏名場專精文藝祕書可行便腹可筭錢用買文
尊開問字或纂或修山書梵志 鐵琴銅劍樓書目元氏
長慶集孫竹鄉校過後有題記云戊申六月三十日用董

思翁本校

一匱遮門充閣皮一厨連屋當屏風襟裾牛馬人間世尙有
曹生隱市中曹炎彬侯

顧千里清河書畫舫題後常熟嗜手抄者陸敕先馮定遠
爲極盛至彬侯殿之彬侯名炎席氏客也 孫淇市肆蓄
書歌爲曹彬侯作云我怪曹生市廛裏偏仄喧囂擁文史
一厨連屋當屏風一匱遮門充閣皮叢殘斷缺勤購買猶
禿千兔寫萬紙嗟吁市隱類古人令我長懷賴流泚世人
有書不肯讀問之不答我能揣温飽嬉閒事游蕩飢寒齷
齷憂妻子昏昏索索年復年牛馬襟裾略無恥又云曹生
曹生負此癖奚翅巨擘挺眾指漫道亡羊均博塞畢竟藏

穀誰非是河東街頭具五民厚資奇貨來千里平生心跡
厭喧雜市道經年罕投趾羨爾家藏萬卷餘下簾終日凭
棊几茗杯香篆伴寂寞大嚼快意何煩爾從今借書數
往不惜踏穿東郭履 拜經樓藏書題跋記武林舊事抄
本前有鶴溪主人笠澤曹炎之印彬侯四圖記

比似王筠愧未工屠龍餘技到雕蟲白頭那得兒曹健且割
烏雞療病風 查慎行悔餘 孫岐昌藥師

全祖望查先生墓表先生名嗣璉字夏重別署查田改名
慎行字悔餘別署初白浙江海甯人康熙壬午 聖

祖東巡召至 行在賦詩入直 南書房明年

特賜進士出身改翰林院庶吉士授編修時公族

子昇以宮坊久侍直宮監無以別之呼先生曰老查 海

昌備志查岐昌字藥師一字石友號巖門山樵慎行孫克
念子諸生 蒲褐山房詩話藥師著巢經閣讀古記 先

生敬業堂集覽呂晚邨詩屠龍餘技到雕蟲賣菽文成事
事工 又抄書三首人言冬是歲之餘自分生涯伴蠹魚

比似王筠猶有愧白頭方解手鈔書無數空花亂眼生摩
挲細字欠分明西洋鏡比傳神手八廓重開爲點睛烏雞

已療病風手秋兔猶存見獵心炳燭餘光吾若此兒曹那
不惜分陰 天祿琳琅新唐書糾繆宋刻查慎行藏有得

樹樓藏書南書房史官海甯查慎行字夏重又曰悔餘三
印 鐵琴銅劍樓書目刑統賦解藏海甯查氏有臣名岐

昌字曰藥師朱記 持靜齋書目龜溪集十二卷有乾隆
庚午巖門山樵查岐昌跋

年少金閨游俠兒不工挾彈善填詞高齋賓客今何在腸斷
摩挲玉印時 納蘭性德容若 揆叙愷功 穴研齋

昭代名人尺牘小傳成德氏納喇又作納臘亦稱納蘭字
容若後改名性德遼陽人太傅明珠子康熙癸丑進士選
侍衛愛才好客所與游皆一時名士嘗集宋元以來諸儒
說經之書刻爲通志堂經解一千八百餘卷精鑿藏尤工
於詞所刻飲水側帽詞傳寫徧於村郊郵壁 國朝詩人
徵略揆叙字愷功滿洲人官至左都御史謚文端有益戒
堂集 伍崇曜飲水詞跋韓慕廬稱容若嘗輯全唐詩選

晚乃篤意於經史茶餘客話稱其天姿英絕蕭然若寒素
擁書數萬卷彈琴歌曲評書畫以自娛 藤陰雜記明太
傅自怡園延唐東江查他山課子揆叙唐有園居雜詠詩
如流水游龍非馬尉赤墀青瑣異王根想見繁華氣象東
江又有哭揆愷功詩云猶有高齋舊賓客可憐水磨好園
林 知聖道齋讀書跋謙牧堂藏抄本金張師顏南遷錄
一卷又云於謙牧堂藏書中得宋元人詞二十二帙題曰
汲古閣未刻詞行款字若與已刻六十家詞同每帙鈐毛
子晉印皆精好 昌熾案謙牧堂愷功藏書處也容若曰
珊瑚閣愷功藏書皆歸 天府 天祿琳琅著錄有謙
收堂印記者皆其家書也武進費屺懷同年藏容若玉印

藏書四
一面鐫繡佛齋一面鐫鴛鴦館 士禮居題跋記陸游南
唐書丁卯歲收得穴研齋鈔本卷末一頁格旁有虞山錢
遵王藏書七字 又何博士備論通二十六篇不分卷因
其爲穴研齋繕寫珍之先是收得穴研齋諸書初不知時
代先後惟陸游南唐書爲虞山錢遵王藏書則在遵王先
矣他爲宋人說部總得於松江故宦家有賈人知其由來
謂出於康熙朝明相國家 又茅亭客話穴研齋本爲佳
昌熾案茅亭客話後歸亡友蔣香生書鈔閣香生述周
季貺之言曰穴研裝潢精美似 國初旗人之風雅爲事
者或出於明相國家與蕘翁所記賈人之言合

誰爲楚濱誰永年草堂新築直沽前豈因小綠天亭印遂誤

觀光自哲解 安岐儀周

非石日記書賈錢聽默云傳是樓藏書大半歸於明珠而
其家人安麓村所藏亦多善本 又黃蕘圃家觀北宋本
孟東野集上有徐健庵季滄葦及安岐印每本卷末有安
麓村橋方圖記 楹書隅錄北宋孟東野詩集十卷每冊
有安岐之印儀周珍藏安麓村藏書印各記安岐字儀周
麓村其號也亦號松泉老人天津人顏所居曰沽水草堂
學問宏通極精鑒賞收藏之富甲於海內著有墨緣彙觀
亦一時博雅好古士也百宋一廛賦著錄此本謂麓村乃
賣骨董者誤矣周芸皋觀管內自訟齋文集謂儀周朝鮮
人從貢使入都偶購得抄本書乃前人窖金地下錄其數

與藏處皆隱語徧視京師惟明國公府似之因見明公一
一指視其處先後假金數百萬業鹽於天津揚州息倍之
多富收藏盡以歸國云云語尤荒誕無足辨也昌熾案紅
豆樹館書畫記陳白陽古詩十九首卷有朝鮮安氏圖書
朝鮮安氏書畫圖章安氏子靜鑒定安氏小綠天亭珍藏
諸印是朝鮮實有安氏精鑒藏者芸臬之言得毋以此傳
謠乎

綠樹芳穠小草齊揀花亭下一尊攜金風亭長來游曰宋槩
傳鈔滿竹西

曹寅子清

昭代名人尺牘小傳曹寅字子清號棟亭奉天人官通政
使江甯織造校刊古書甚精有揚州局刊五韻棟亭十二

種盛行於世 宋槩寄題曹子清戶部棟亭三首序云子
清之尊人於白門使院手植棟樹數株綠陰可愛因結亭
其間顏曰棟亭子清追念手澤屬諸名人賦之未幾子清
復移節白門十年中父子相繼持節一時士大夫傳爲盛
事 王槩題張見陽棟亭夜話圖詩棟亭余每坐清畫牆
隅小草穠陰覆棟乃水部手自栽亭亦早歲攤書構又云
唐渲宋槩任標舉陸海潘江半臣僕 又吳之騷詩我聞
棟亭下嘉樹影婆娑書卷擁百城尙友自吟哦 李文藻
琉璃廠書肆記棟亭掌織造鹽政十餘年竭力以事鉛槧
又交於朱竹垞暴書亭之書棟亭皆鈔有副本以予所見
如石刻鋪敘宋朝通鑑長編紀事本末太平寰宇記春秋

經傳闕疑三朝北盟會編後漢書年表崇禎長編諸書皆鈔本魏鶴山毛詩要義樓攷媿文集諸書皆宋槧本錢大昕菽圃搜奇跋天台徐一夔編此書世無刊本曹子清巡鹽揚州時嘗抄以進御好事者始得購其副錄

之

愛石何如愛書癖一拳蒼潤琢宣和拈花影鬪維摩詰種樹方抄郭臺駝

龔邦麟天石

杭郡詩輯龔翔麟字天石號蘅圃仁和人康熙辛酉順天副貢歷官御史有田居詩稿十卷田居詩續三卷注云晚年移家張駝園自號田居王石谷爲作田居圖又金志章字繪自號江聲錢唐人有江聲草堂集注云江聲居吳

山之麓高才博學爲龔蘅圃所重延課其子龔氏故多藏書能盡讀之鶴徵前錄黃俞邵館江甯龔方伯署中與令子侍御蘅圃交最契龔藏書甲浙右所刻授經圖春秋纂例諸書經其校正者爲多杭大宗東城雜記玉玲瓏宋宣和花綱石也上有字紀歲月蒼潤嵌空叩之聲如雜佩本包涵所靈隱山莊舊物後歸龔侍御翔麟因以名其閣焉侍御爲太常卿佳音子拜經樓藏書題跋記紺珠集周耕崖跋云前有橫沙龔氏玉璫瓏閣珍藏圖記又有龔稼邨祕笈之印校者爲田居爲江聲免牀云稼村田居皆蘅圃先生自號江聲則金觀察志章別字蘅圃友也笛漁小橐梁溪華胥爲蘅圃寫僧裝小影侍以雙女一拈

花一奉梵書取心經色空二語曰雙是戲題絕句云一雙
天女玉差肩畀鉢羅花貝葉篇若使香門盡如此丁年儂
亦願逃禪 又題蘅圃擔花圖山居要術如尋得種樹方
應手自抄

脫鈎難求本二千莊池玩劇亦論錢長林結得胡盧隱先署
庵名號鹿眠 林信吉人

東越文苑傳林信字吉人號鹿原康熙三十八年舉於鄉
五十一年 欽賜進士授內閣中書家多藏書徐乾

學錄通志堂經解朱彝尊選明詩綜皆就傳鈔有樸學齋
集子正青字洙雲莪字涪雲昌熾案樸學齋彙校字題名
男正青在衡在莪玉衡共四人 鮑鈺汪鈍翁說鈴跋雍

正八年借紫幢王孫本手錄一通原本乃林舍人正書畱
贈王孫者有長林二字葫蘆印記面葉八分書說鈴二字
後有臣信之印吉人之辭二朱記 樸學齋彙上御史某
公書某海涿賤士荒學無狀年來過不自量購求儒先集
錄毋慮數千卷幾及鰲峯徐氏之舊而家亦緣是愈貧荔
水莊池半屬他姓 又青兒得鰲峯徐興公遺書五十餘
種錄其目與跋寄至京邸喜而有作并示岍兒平生愛書
癖垂老未能釋譬如饜饜人流涎嗜肥炙又如聚斂者銖
錙務拮據自晒炳燭暮時光如駒隙何苦獺祭勞甘此蝨
齧冊結習顧難除把卷欣然適每嘗語兒輩胸次勿迫窄
學當貫古今義須本經籍曠觀前輩賢孰不典墳索吾鄉

海濱隅見聞終扞格若非事詩書何由展尋尺曩哲謝與
徐勤錄肆探蹟精騎裒萬餘祕本購千百市朝忽改移籤
帙旋遭厄詎覆固堪虞部分亦足惜予時丁盛年志欲奮
六翮念惟富縹緲始足恣論覈適有宛羽遺許以十城易
亟脫汝母釧又以古玩劇煌煌二千本奕奕充余宅貧兒
暴得富匹夫竟懷璧環堵古香叢插架文光射終藉此先
資乃竟成麗澤廿年客京華不至迷阡陌策勳固在茲詒
謀詎用數兒能繩父志好尚無頗僻所敦在芸編光陰恐
虛擲每當寄書來老父嘗啞啞昨復致二紙快意說新獲
書是徐氏遺字是鰲峯迹圖印識收藏題跋詳紬繹四十
七種書百十年間隔一旦歸書囊如揖重來客老夫聞之

喜懽酌雙浮白遺金縱滿籬何如萬卷積久宦輒傷窮穎
禿不耐畫惟有教兒孫冀永書香脈兒解藏書好自受讀
書益長林蔚松楸藤朶紛蘿薜老夫懷歸來轉書樂晨夕
又青兒南歸詩以遺之曾過虞山明發堂山形磅礴似
家鄉規模未便成堂構且作長林山上莊 又欲成一隴
埋吾骨先署庵名號鹿眠

茶社未忘銅井約草堂比似玉山靈家藏四世以身手誰得
吾書視此銘 蕭夢松靜君

天祿琳琅明刻六子全書有蕭蓼亭印昌熾案潘氏滂喜
齋藏明刻劉屏山集前有朱文大方印刻藏書銘曰名山
草堂蕭然獨居門無車馬坐有圖書沈酣枕籍不知其餘

俯仰今昔樂且宴如蕭蓼亭銘又有蕭蓼亭四世家藏圖
籍印又有以身守之罔敢失墜印又有蕭印夢松及靜君
二朱記其人本末不可攷惟林鹿原樸學齋稟有送蕭靜
君之吳詩鄧尉梅花銅井茶扁舟曾共宿僧家雲巖辛夷
長蕩柳山樓長把杯中酒去年行樂惜無詩今日送君還
此時平生最愛江南景一曲孤桐繫別思又許旭閣中紀
略云閩中巨室藏書不少偶見蕭御史震家所藏書目厚
六七寸內中多有未覩則知蕭氏爲閩中藏書舊家靜君
在康熙中嘗游吾吳但與御史輩行先後則不可得詳耳
打鼓排衙花簞鋪闌然文采老於菟達人何必推書識瑣瑣
昌英二十廚 李馥鹿山 鄭杰昌英 劉筠川

邠潛紀聞泉州李中丞馥撫吾浙時收書極富一時善本
齊入曹倉每冊皆有圖記曰曾在李鹿山處後緣事頌繫
羣書散逸人以爲印文之讖然亦達已 昌熾案田肇麗
有懷堂集有述懷柬李鹿山詩西曹各專司繁劇江南首
又云閩海有李子同事稱快友文采老於菟聲價等瓊玖
是李嘗仕刑曹分江南司又有送李鹿山出守重慶詩四
首其二云山翠官齋映排衙打鼓齊堂開花簞覆聲動午
觴啼 儀顧堂元槩晏子跋每冊有鄭杰之印注韓居士
鄭氏注韓居珍藏記印案鄭杰字人杰侯官人乾隆貢生
其藏書之所曰注韓居藏書數萬卷分二十廚貯之以東
壁圖書府西園翰墨林誦詩聞國政講易見天心爲誌又

元槧藝文類聚有曾在李鹿山處朱文長印鄭杰之印一
名人杰字昌英侯官鄭氏藏書注韓居珍藏記劉氏小墨
莊藏侯官劉筠川藝文金石記曾經筠川讀諸印李鹿山
鄭杰劉筠川皆雍乾間福建藏書家又影宋酒經跋卷中
有鄭杰之印昌英珍秘朱文方印 陌宋樓藏書志九靈
山房集有鄭氏注韓居珍藏記鄭赤之印案赤當為杰之
誤杰一名人杰字昌英有印文可證前陸跋中以人杰為
杰字亦誤

向秀書為郭象竊葛洪記亦吳均編迺知賚爾敬游研未必
真出方瞳仙 何焯配瞻 弟煌心友

全祖望長洲何公墓志銘公篤志於學讀書繭絲牛毛必

審必核吳下多書估公從之訪購宋元舊槧及故家鈔本
細讎正之一卷或積數十過丹黃稠疊而後知近世之書
脫漏譌謬讀者沈迷於其中而終身未曉也 聖祖

仁皇帝聞其姓名 召直南書房尋 特賜甲

乙科入翰林是時諸王皆右文朱邸所聚册府多資公校
之以康熙六十一年六月九日病卒其門人陸君錫疇曰
吾師最謹慎不肯輕著書苟有所得再三詳定以為可者
則約言以記之積久遂成道古錄如千卷乃同門有荷吾
師虛拂之力而晚背之者竊其書去今遂不可得是一恨
也年來頗有嗜吾師之學者兼金以購其所閱經史諸本
吳估多冒其跡以求售於是有何氏偽書而入莫之辨又

一恨也公諱焯字肥瞻晚號茶仙先世曾以義門旌學者
稱義門先生父棟諸生子壽餘 方黎如何先生墓志銘
初字潤干哭其母更字肥瞻 沈彤何先生行狀先生蓄
書數萬卷參稽互證於其真偽是非皆有題識如別黑白
其校定兩漢書三國志最有名乾隆五年寫其本付國子
監爲新刊本所取正 義門集與友人書家中偶起三間
小屋適獲文待詔所用圓研殊不下墨底有八分賚爾敬
游翰墨之用華陽隱居十二字相傳陶貞白十賚文中弟
九是研卽其故物因名之曰賚研齋 又賚研齋歌槃槃
紫石大圓研栖靜賚自方瞳仙八分十二銘其背歲久大
半缺且剝 昌熾案先生弟煌字心友號小山嘗自署何

仲子義門題跋或署承筐書塾或署語古小齋又自號憩
間主人見碩宋樓藏書志賚退錄跋百宋一屢賦注何義
門用小方章其文曰髯

使者輅車塞巷涂到門儻從認懸壺爲求靈藥醫書癖吳市

頻來問扁盧 陸謬其清

漁洋居易錄竹垞說吳門陸醫士其清家有洪炎玉父集
元人稅汝權易啟蒙小傳顧阿瑛玉山雅集又阿瑛選張
伯雨詩皆毛氏刻十元人詩所不載 何焯跋柳仲塗集
陸君其清不輕與人通假書籍倦圃竹垞兩先生欲抄錄
其藏本亦必卷數葉數相當始得各易所無 翁方綱跋
朱姓甫珊瑚木難手彙有何義門致其翁一帖其翁者吳

門陸醫士號其清所居聽雲室鑿藏圖籍甚富義門嘗往
觀之卽此一小札亦吳下藏書家故事矣 又題劉完庵
雲樹小幀吳下醫翁富祕文顧何侈說綠氤氳始知不是
松泉響果有山齋號聽雲自注往時吳門陸醫士其清與
顧維岳何肥瞻游多蓄古圖書金石號聽雲室余初不解
雲何以聽今乃借完庵此幀發之 持靜齋書目佳趣堂
書目陸溲撰卷首有置書年分自康熙十四年至雍正八
年有自序 其清佳趣堂書目自序予年九歲偶於篋中
得蠅頭細書一冊乃先大父手抄歷朝名文後書子幼時
無書可讀借於人抄錄而讀者今人有書而不思讀哀哉
讀之悚然自十五歲家貧失學喜借書晝夜抄寫嚴寒之

炭屈足腹下冷煖交換見者匿笑抄書一葉於古書肆易
刻者五葉購書歸端貯几上揖而後藏年二十得顧仲瑛
玉山雅集元刻文待詔舊藏也萊陽姜友偶聞之於樵李
曹秋岳侍郎侍郎云陸兄有此或與或售無所不可不然
當致慕中丞丁方伯轉借予謂此非禁本不介意堅却之
於是侍郎來晤歡若舊識過吳艤舟方定身先垂訪每謂
山陰人曰陸生有隱操吳門第一流也甲子歲以魏仲先
鉅鹿東觀集孫奕示兒編宋本見贈歲辛酉秀水朱竹垞
檢討典試江南亦造門訂交晚選詩綜有關來借二先生
往來尺牘不下四五十番夔州唐鑄萬曰陸氏子孫觀侍
郎之手蹟守祖父之遺書勉誦習必有以文章經術顯

於世者此其清貽後之深心也內有宋元刻本宋元人抄
本明賢錄本名賢彙本出自闕閣公卿家者郡城故族舊
所收藏者皆傳流有自與坊本迥異渴六十餘年之心血
雖不敢自謂成一家之書實生平志之所屬故至老而不
倦也丁酉端陽後十日書於清目處平原陸澹時年七十
有四

七十二峰縹緲間具區煙水碧潺潺明懷餘韻宛然在江月
松風見一斑翁澗季霖 子校秀升 棧猶張

七十二峰足徵集翁澗字季霖博古嗜學不求仕進自號
胥母山人搜羅湖山名勝人文事蹟爲具區志 又翁校
字秀升季霖長子縣諸生 又翁棧字猶張少從金耿庵

先生游酷嗜藏書玉峰徐司寇蘇城顧惟岳陸其清兩家
宋元抄本皆乞借抄字畫端楷題識歲月於後作詩八卷
曰鈞采吟 昌熾案抱經堂書賈陳某曾以舊抄江月松
風集求售後有跋云錢思復手彙好事家裝裱成冊錢馨
室曹秋岳先後收藏秋岳亡後伯兄駕徵於金閭見之傾
囊得歸此本乃余手鈔校對獨細惜有闕落無從攷補至
字畫間有舛誤亦從闕疑大抵古人手筆當仍其舊不可
妄以己意增損也康熙丙寅季秋之十三日東洞庭山又
張翁棧識下有棧翁又張南陔三印又題云旁有朱字乃
錄金亦陶夫子所改又補題竹西居士圖詩一首後注云
從金迂齋夫子處鈔來據此則又張實爲金侃弟子足徵

集以爲從金耿庵游誤也又按太湖備攷云翁澍與下堡
金侃交最善延至家塾商榷古今澍爲澍子亦陶爲耿庵
先生子侃尙及與澍交則澍不及事耿庵明矣校爲澍長
子則澍跋中所稱伯兄駕徵當是其號澍有同伯兄駕徵
自橫塘返山詩二首見足徵集

一紙猶及小長蘆揮汗讎書日未晡七十七人金石契不教
偶着一屠沽 玉聞遠聲宏

士禮居題跋記藏春集有蓮涇跋云康熙歲壬寅三月借
婁東宋氏鈔本再校於孝慈堂之東窗蓮涇王姓聞遠其
名聲宏其字蓮涇又其號也有孝慈堂書目傳世 士禮
居題跋記續錄余所收王蓮涇家書最多皆得於其族孫

處猶是家藏未散本也就中有孝慈堂書目分門編類敘
次頗詳以之求蓮涇所藏雖久散之本按其冊數之多寡
紙色之黃白幾如析符之復合可知書集貴有源流也

蓮涇孫元理元音跋是書借抄於竹垞朱先輩歲辛丑偶
得石君葉先生錄本遂力疾讎校補寫闕葉于溽暑中日
揮汗三斗弗顧也蓮涇學人識於四美軒之西窗 東湖
叢記蓮涇居士王叔子著有金石契言敘其知交七十七
人皆畸人逸士 昌熾案蓮涇亦吾郡人甯宋樓藏書志
南唐書十八卷蓮涇題云雍正歲戊申陽月校於采蓮涇
之孝慈堂灌稼邨翁王聞遠識時年六十有六以此推之
蓮涇生年當在康熙二年癸卯也又鐵琴銅劍樓書目楊

仲宏詩有王蓮涇鈔書記朱印龜巢稿蓮涇題校于率真書屋之南窗

昔日堂中尊二老南雷爲師秦川父後日堂中尊二老竹垞爲賓高涼主

鄭性義門

兩浙輶軒錄鄭梁字禹梅一字寒村慈溪人康熙戊辰進士官至高州知府著寒村詩文選全祖望五嶽游人穿中柱文南雷黃氏之學先生表章不遺餘力先是尊府君高州欲立祠於家以祀南雷而不果先生成其志築一老閣於所居東以祀南雷及王父秦川觀察春秋仲丁祭以少牢黃氏諸孫及同社子弟皆邀之與祭使知香火之未墜也四方學者訪求南雷之學不之黃氏而之鶴浦卽黃

氏諸孫訪求簿錄亦反以先生爲大宗先生諱性字義門別號南溪浙之慈溪縣鶴浦人也以故按察副使溱爲祖世所稱秦川先生者也以故知高州府梁爲父世所稱寒村先生者也卒年七十九子二大節中節又二老閣藏書記太沖先生最喜收書其搜羅大江以南諸家殆徧垂老遭大水卷軸盡壞身後一火失去大半吾友鄭丈南溪理而出之其散亂者復整其破損者復完尙可得三萬卷而如薛居正五代史乃天壤間罕遇者已失去可惜也鄭氏自平子先生以來家藏亦及其半乃於所居之旁築二老閣以貯之二老閣者尊府君高州之命也高州以平子先生爲父以太沖先生爲師因念二老交契之厚遺言欲

爲閣以並祀之南溪自游五嶽還閣始成因貯書於其下
昔者浦江鄭氏世奉潛溪之祀君子以爲美談今後鄭猶
先鄭也而更能收拾其遺書師傳家學倍有光矣書目既
成爰爲之記 余集鄭詘齋墓誌銘五嶽游人生二子君
其仲也諱中節字發之號詘齋倜儻負氣節讀書不屑章
句又云學者渡孝女江抵四明違鶴浦四五里外望見崇
檐傑峙天際巋然與紫蟾山若揖者爲君家二老閣百年
以來南雷之書洊遭水火甬上遺老亦零落殆盡而君家
遺籍獨完好如故流風餘韻髣髴猶能道之益歎鄭氏爲
善繼也 朱彝尊贈寒村詩高涼太守鬢成絲病後偏工
絕妙詞茶肚老人全硬語龍門柴木半枯枝後來領袖歸

才子左手雲煙勝畫師別久重逢轉傾倒七言三復曉行
詩 定香亭筆談鄭太守梁以曉行詩得名朱竹垞嘗贈
以詩元孫簡香勳以墨跡示余余和之有云別擬建堂尊
二老竹垞經義曉行詩簡香因建堂祀兩先生余爲書二
老堂額簡香又畫二老重逢圖取竹垞別久重逢轉傾倒
詩意昌熾案浙江通志梁善畫得末疾右體不遂以左手
驅染如平時竹垞所云左手雲煙勝畫師也 謝振定知
恥齋文集贈鄭簡香徵君序寒村先生之曾孫簡香以孝
廉方正就徵至省垣訪余於南屏余亟問所謂二老閣者
故無恙而其所藏書半軼於 四庫採輯寫本還真之日
後又不戒於火雖有存焉者僅矣顧簡香生七日而孤其

母氏張育教之十有八年乃能嶄然見頭角延先人之清
芬於不墜是藏書雖亡而實不亡爲可幸也已 倪大成
登二老閣詩藏書自比遺金富師道原同祖德隆二老額
懸光萬丈南雷鶴浦並高風

坊南花竹秀而野插架青紅屋高下夢中昨見古衣冠或立
而盱或拜者 顧嗣立俠君

乾隆蘇州府志顧嗣立字俠君子咸子康熙己卯舉順天
鄉試壬辰進士選庶吉士 朱彝尊秀楚堂記長洲顧俠
君築堂于宅之北間邱坊之南壘石爲山望之平遠也捐
溝爲池卽之蘊淪也登者免攀陟之勞居者無塵壘之患
於是插架以儲書義竿以立畫置酒以娛賓客極朋友晷

弟之樂暇取元一代之詩甄綜之得百家焉業布之通都
矣俠君乃夢有客愉愉有客瞿瞿一一十容色則殊或
俛而拜或立而盱覺而曰是其爲元人之徒歟將林有遺
材而淵有遺珠歟乃借抄於藏書者復得百家焉未已也
博觀乎書畫旁搜乎碑碣真文梵夾靡勿攷稽又不下百
家而元人之詩乃大備矣昌熾案嗣立元詩選初集六十
八卷二集二十六卷三集十六卷又癸集若干卷 彝尊
又有題秀野草堂詩云秀野堂深曲徑通巡檐始信畫圖
工小山巢石屋高下清露戎葵花白紅已許糟邱成酒伴
不妨蠹簡借郵筒入秋準踐登艫約吟徧江橋兩岸楓
又韓葵詩甲乙千峰石青紅四部籤 士禮居題跋記周

此山詩集有俠君圖記又有閭邱小圃及秀野草堂顧氏藏書印二朱記

天上圖書補石渠涓流撮壤比何如漁洋衣鉢猶存否鐵拐斜街有故廬

黃叔琳崑圃

子登賢雲門

勵守謙子大

國朝先正事略黃叔琳字崑圃順天大興人康熙三十年一甲三名進士乾隆辛未重赴瓊林以文學政事受知

三朝當代推爲鉅儒天下士識與不識皆曰北平黃先生弟叔琬叔琪叔璫子登賢字雲門官至漕運總督兵部尚書竹葉亭雜記靜海勵文恭公杜訥少嗣於杜家故姓杜後欲歸宗不知其姓 仁皇帝特賜姓勵大司寇廷儀其子也少司寇宗萬其孫也曾孫翰林守謙字

子大 郎潛紀聞四世翰林者靜海勵杜訥康熙庚戌子

廷儀庚辰孫宗萬辛丑曾孫守謙乾隆乙丑 四庫全書

總目乾隆三十九年五月十四日奉 上諭廷臣進

書如黃登賢紀昀勵守謙汪如藻等俱藏書舊家並著每人賞給內府初印之佩文韻府各一部俾珍爲世寶以示

嘉獎 翁方綱送黃忍廬都諫視學山東詩壁簡千年新

詔輯堂開萬卷舊家風又云重訪漁洋書庫在娟

娟香祖又成叢自注尊甫崑圃先生於康熙庚寅視學山

東刻漁洋詩話崑圃漁洋門人也 無事爲福齋隨筆黃

崑圃先生萬卷樓故居在京師李鐵拐斜街

寫書一簣盼成山麥飯蔥湯互往還西市從容彈一曲廣陵

散未絕人間

李紱巨來

全祖望臨川李公神道碑銘公以己丑進士入詞館授編修遷至直隸總督削爵下獄當誅尋奉 詔赦令纂修八旗志書杜門八年授戶部三庫侍郎左遷詹事以閣學致仕公諱紱字巨來學者稱爲穆堂先生又云公天性好士取放翁詩題楹曰遠聞佳士輒心許老見異書猶眼明蓋實錄也 又南昌萬公墓志銘臨川李侍郎居宣武門南西有紫藤軒以居萬公孺廬又割其東以居予每日高春必相聚一室葱湯麥飯互爲主賓 又鈔永樂大典記是書副本貯翰林院無過而問者臨川李公始借觀之余因與公定爲課取所流傳於世者概置之卽近世所無而不

關大義者亦不錄但鈔其所欲見而不可得者夫求儲藏於祕府更番迭易往復維艱而吾輩力不能多蓄寫官自從事於是書每日夜漏三下而寢可盡二十卷而以所簽分令四人抄之或至浹旬未畢則欲卒業非易事也 袁枚臨川李公傳 世宗惡其嘔強欲摧折之兩次決囚皆縛至菜市宣 旨赦還公博聞強記藏書五萬卷手加丹黃其宏綱巨旨都能省記刑部郎中楊某欲試公故於押赴市曹時探問經史疑義公對赭衣白刃應答如流楊退而告人曰李公真鐵胎人也

三徑家風皆杜暹

賜書高擁鄴侯籤荒涼松菊圖重繪想見廉州太守廉

蔣杲

子遵 弟重光子宣

江南通志蔣杲字子遵燦四世孫康熙癸巳進士歷戶部郎中出知廉州府 婁關蔣氏家譜杲文涵第四子號篁亭生於康熙癸亥卒年四十九著有挹秀于京諸集 又重光文源第四子字子宣號辛齋府庠增貢生生於康熙戊子卒年六十一著有賦琴樓遺稿缶音小草嚙語集蘇州府志蔣司馬宅在飲馬橋北兵部侍郎蔣元益所居中有貯書樓何焯嘗授經於此元益之父廉州太守杲焯之弟子也昌熾案杲兄棟字子範亦義門弟子 又蔣重光藏書甚富乾隆三十八年 詔開 四庫館徵四方書時重光已沒子曾營檢其所審定秘書百種進

御 天子嘉之

敕賜佩文韻府一部

親製七言詩書於所進職官分紀之首美其好古復惜其不遇人莫不榮之 士禮居題跋郡中賜書樓蔣氏有宋刻三謝詩書友呂邦惟攜來楮墨古雅洵爲宋刻上駟卷端有郭氏木葉齋鑒定宋本九字末有篁亭墨迹 又曰乙卯被災此書賴神物護持得以無失近作再續得書十二圖以此列入名曰三徑就荒蓋猶不忘篁亭之遺也 陳汝楫送蔣子遵下第東歸詩好友頻來書滿屋人間得失總悠悠

玩易兼山得良爻秬田可種謝懸匏陶元亮喜留賓飲庾仲容還哀子鈔 張位良思 子德榮充之

李果青芝山堂飲酒記友人張子良思有異才志趣高遠
官直隸新樂令歸居城東葑溪之上戊午秋七夕前一日
招致故交四五人飲酒青芝山堂山堂爲明襄毅韓公故
園良思新葺之壘石爲山雜樹茂密旁有荷池康熙中良
思以詩賦 召試給札內廷修書書成出爲令和而
有守歸而治薄田種秫暇則鈔宋元人小集聽二子讀書
恬如也昌熾案義門弟子姓氏錄有張位字立人卽其人
良思當是其號 士禮居題跋記桂林風土記郡先輩張
青芝手鈔卷端鈐張位小印書法工秀讀書者之藏書斯
爲善矣又有吳枚庵鈔本張青芝子充之與枚庵友善故
得借鈔 顧承吳門耆舊記張德榮字充之號伊蒿長洲

縣學生家貧力學平生好古書手鈔數百卷藏於家子感
舊詩云講席鈔書不計貧愚愚真是葛天民家風疏水尋
常事留得心香一點春予少時嘗問業焉 韶宋樓藏書
志隱居集張立人寫本有手跋云聽雲陸氏借錄乾隆元
年嘉平朔日青芝

風水研笥送桔槔金閨亭亦似勞勞韋公祠下掘衣拜敬爲
奇編薦泚芼 宋定國賓王 錢枚方蔚 顧夏珍

東湖叢記王聞遠金石契言敘知交七十七人中言宋蔚
如名賓王起家市井性嗜奇書無力購弄則百方丐鈔惟
以搜羅遺佚訪求放失爲事鰥居無子憑權奇以餬口
士禮居題跋記吳都文粹宋賓王校本賓王本賈人而藏

書之富校書之精真讀書人不過 又云賓王所校龜巢
集苦心讎勘精當無比 賓王周益公集跋益公集二百
卷宋槧既湮世無嗣刻近世之士得其殘編斷簡皆奉若
拱璧吾婁顧子夏珍手抄僅得七十二卷謂余此集向藏
玉峰近聞歸郡人王聲宏矣若得之補闕訂譌亦快事也
言已浩歎康熙壬寅武陵暴卒春仲有書賈自郡來言王
聲宏先生欲借校吳都文粹余遂欣然與偕凡三及門時
值清和晷長人因逡巡郡邸進退失據乃就韋公祠卜筮
兆吉復詣得見請觀益公全集凡二十七種時錢子方蔚
館于金閶余卽歸攜顧抄往請補於先生先生具述督學
某公會遣繕書者就舍鈔成而去既而復請許就校時與

先生披閱見有差謬相爲訂正喜動顏色戲謂余曰孺子
可教也予起謝詰朝復同錢子往先生遂出集首兩種錢
子留校省齋余持平園以歸時夏五哉生魄也抄對訖再
詣見先生略無難色但臨行類屬鄭重又借別藁詞科掖
垣玉堂政府五種歸蓋六月將晦矣七月二十日順風揚
帆亭午抵蘇冒暑入城易厯官奏議奉詔承明四種還邸
日猶未銜山旅客喧闐喘吁揮汗財貨之外別無所事事
而余心獨喜無寐宵雨達旦風自西颺放舟中流食頃入
黑甜鄉聽風水桔槔聲相送而篙師又報維舟矣鈔竟復
往易親征龍飛歸廬陵閒居游山奏事南歸毘陵玉堂雜
志二老堂詩話雜志玉蘂辨證樂府凡一十二種歸校迨

竣還謝則爲十月中旬云念武陵始事不獲見其成爲憾
然其長君開之於衰經中猶欲纂成先志而衰毀過中又
弱一个時癸卯正月二十四日乙巳距武陵忌辰祇二十
一日哀哉武陵存日不獨手藏甚富而手鈔祕本充盈篋
笥尤喜人借鈔蓋武陵之心公心也昌熾案此跋見東湖
叢記備錄於此以見古人嗜書如性命可敬可愛據蓮涇
言蔚如名賓王然攷蕘圃藏春集跋稱婁東宋定國賓王
又似其人名定國而賓王其字蔚如又其號也方蔚名枚
與賓王善余見菰里瞿氏藏秋厓小彙有賓王題字云康
熙辛丑同錢枚方蔚閱張氏藏書志吳都文粹有方蔚跋
白署乾隆十九年鎮洋七十三叟東皋錢枚耄而好學真

賓王之友矣文粹又有謝浦泰跋云宋蔚如購得此書與
錢方蔚以王相國家藏宋本吳郡志及毛刻吳郡志參互
攷訂凡數十次遂成善本書此以明二蔚之苦心也

差勝牛醫與駟商梁溪何異睦親坊鬻書但恨無真眼莫辨

雞峰普濟方 浦見龍起潛 許仲堪眉岑

士禮居藏書題跋記普濟方 卷無錫浦姓書賈卽浦

二田之後此書有錫山浦氏珍藏印又有浦氏蕢菽賞鑒
印當亦二田家藏者二田故多宋本書後人不知盡皆散
失余向年曾得楊倞注荀子錢佃本二程遺書俱由浦姓
賤售於某坊某坊以歸余者也 橋西雜記嵇氏承咸梁
溪書畫徵言其鄉許氏富藏書有許眉岑仲堪者注放翁

詩甚詳眉岑與鮑若洲汀交善乾隆嘉慶間人也

獨立蒼苔暴畫廊習池風景比襄陽羣賢竟贖寒灰劫我願
低頭拜石倉 吳允嘉志上

兩浙輶軒錄吳允嘉字志上號石倉仁和人石甌山房
詩 碧谿詩話石倉先生爲湖墅耆宿嗜學好古積數十
年苦心歿後故書散落人間予在汪氏振綺堂見其手抄
書可數百冊楷法醇古毫無俗談望而知爲有道之士其
他散見於書賈求售者不知凡幾嘗纂輯武林耆舊集其
稿在吳甌亭先生處予每與何春渚陳二酉談其餘韻訪
其後人僉云不甚深知矣後乙卯夏重客任城訪知令嗣
文思孫漢湜同客山左皆業儒文思曾中副車掌教某書

院 石倉口占示兒輩詩幾卷殘書幾畝田祖宗相守已
多年後人窮死休相棄免使而翁恨九泉 厲鶚吳吳丈
志上詩斜廊暴畫處尙想立蒼苔自注吳丈書齋有曝畫
廊 又題吳志上小象我識石倉叟長身比鶴癯青衫舊
名士白髮老潛夫城市看花入溪山載筆俱襄陽習鑿齒
著述近來無 夢闌瑣筆南宋陳思刻江湖小集曹棟亭
寅藏有刊本後歸郎總制廷極藏諸臥內不輕示人幕客
吳石倉曾得一見郎捐館遺命舉臥內書畫古玩盡畀諸
火以爲殉吳袖金數錠餽諸舉火者潛以他書易之而出
吳得是書寶愛甚至後不知轉徙何所乾隆壬寅鮑以文
獲見於吳門市中許以百金不售因借歸家中舊抄道

過余家於舟中舉示卷帙完好靜氣迎人洵數百年物也
鮑以文詩國寶爭新落棗花江湖處處擅才華祇須小換
紅羊劫僥倖寒灰六十家自注原刻一百二十家名國寶
新編又云卅年饑眼慰瓊琚好事曾驚出燼餘後五百年
重照眼定知何處走蟬魚 拜經樓藏書記說學齋集有
吳石倉州來氏藏書記二印

回首東書舊草堂深閨流涕對琳琅蹉跎四十年前事無限
心情感渭陽 趙昱功干 弟信辰垣 子一清誠夫

鶴徵後錄趙昱字功干原名殿昂號谷林浙江仁和人貢
生著有愛日堂集注云子一清字誠夫能昌其家學 又
趙信字意林監生有秀硯齋吟藁昌熾案信字辰垣意林

其號 杭世駿詞科掌錄意林與兄功干齊名稱二林
又翟晴江東臬詩序谷林小山堂圖籍埒於祕省益之以
四明范氏廣陵馬氏之借抄加以吳君繡谷亭之仗助
窮搜博討傾筐倒屣而不惜 全祖望小山堂藏書記谷
林以三十年之力爬梳書庫其鑒別既精而有弟辰垣好
事一如其兄有子誠夫好事甚於其父每一聞異書輒神
色飛動不致之不止其所蓄書連茵接屋凡書賈自茗上
至聞小山堂來取書相戒無得留書過夕恐如齊文襄之
待祖珽也 又曠亭記谷林太君朱氏山陰襄毅公女孫
祁氏之所自出祁公子東遷夫人取朱氏女孫育之以遺
日卽谷林太君也方谷林尊公東白翁就婚山陰其成禮

卽在祁氏東書堂中是時淡生堂中之牙籤尙未散東白翁心思得之太君泣然流涕曰亦何忍爲此言乎東白翁默而止蹉跎四十餘年谷林渡江訪外家則更無長物祇曠亭二大字尙存董文敏公之書也乃奉以歸谷林藏書中亦多淡生舊本欲於池北竹林中構數椽卽以曠亭銘之以志渭陽之思以爲太君當新豐之門戶 又小山堂祁氏遺書記二林兄弟聚書得之江南儲藏家者多矣獨於祁氏諸本則別貯而弄之惓惓母氏先河之愛一往情深珍若拱璧何其厚也 谷林愛日堂集購得山陰祁夷度先生文集又吳門王邵棠見遺澹生堂藏書印章子蓄祁氏書僅數十冊年來欲廣收而未能也志感二首文獻

江東舊業傳澹生堂認蝨餘篇負慚宅相搜遺集重憶館甥悲昔年忠孝成家惟習學兵戈換劫等雲煙黃金散盡貧猶樂何惜初時裝訂錢繆書深印赫曦光刊角精瑩水玉方四庫標題千帙編一瓿爭抵百縑強曠亭舊蹟荒園業遺象清風曲水旁誰爲流傳王粲是令人尤念蔡中郎自注書多爲黎州先生所得又云曠亭額王百穀爲夷度使君書予昔年來過亭已傾圮扁棄屋角亟攜以歸欲於園中構亭仍懸是額以誌景仰 趙東潛重書曠亭記曠亭者王百穀爲夷度使君書明社旣屋陵遷谷變有以此扁來售者先徵君輸米四石易之欲構亭於竹間而力不能就今七父篤念太君築室三楹於古香書屋之傍命弟

天庚更書而顏之昌熾案曠亭額全謝山記謂董文敏所書當以谷林詩東潛記爲正 碧溪詩話谷林先生同時吳尺鳧亦好藏書每得一異書彼此必鈔存互爲校勘數過識其卷首小山書畫印牙章精篆神采可愛先生卒後悉載歸廣陵馬氏比部魚亭與先生爲僚壻盡借其善本錄副以藏予館比部家十數年見先生校書跋語知先生點勘之精

燕市歸來得楚弓古藤花下一尊同薦橋舊日諸詩老同作

新詩告殯宮

吳焯尺鳧

子城敦復

玉墀蘭陵

杭郡詩輯吳焯字尺鳧號繡谷錢唐人有葑園詩橐陸渚鴻飛集注云尺鳧喜聚書凡宋雕元槧與舊家善本若飢

渴之於飲食求必獲而後已故瓶花齋藏書之名稱於天下所輯薰習錄則紀所藏祕冊也家有古藤一本構亭曰繡谷自號繡谷老人花時柔條下垂如瓔珞置酒高會吟賞不倦魏柳洲之琇詩云武林吳氏號詩藪亭子倚花名繡谷雅集當時多勝流豪吟邇日尙耆宿皆紀其實居在薦橋屬太鴻詩所云詩人家住薦橋街者也 又吳城字敦復號甌亭錢唐監生注云甌亭爲尺鳧先生長子承其先業雅好聚書儲藏所未備者搜求校勘數十年丹黃不去手所居在九曲巷口與振綺堂汪氏衡宇相望 又吳玉墀字蘭陵號小谷又號二雨焯子城弟乾隆庚寅順天舉人由太平教諭歷官貴陽府長寨同知有味乳亭集注

云乾隆間開 四庫館小谷恭進經部陸氏易解等九十
餘種史部四明它山水利備攷等二十餘種子部東宮備
覽等三十餘種集部李遐叔文集等三種 欽賜

御題

宸翰并

賜內府初印佩文韻府

全函一時傳爲盛事 吳城詩先君子舊藏許渾丁卯集
失去二十餘年余于京師重得之先子圖章宛然簡端撫
今追昔因得長律三首手澤猶存小劫中金臺重購自城
東去來空自悲雷劍得失何須問楚弓風景年年人代換
殞宮寂寂夢魂通九原不共殘編作灑淚摩挲讀未終浪
漫天涯劇可憐放懷隨處領山川淒涼過眼雲煙錄停泊
浮沈書畫船燈火青熒如昨夢風簾點勘記當年縱橫私

印猶完好故物歸來信宿緣汗簡芸箱破寂寥古香依舊
伴清宵拜經莫笑同痴嗜啜墨何能慰腹枵檢校歸裝惟
筆研思量生計只漁樵江山風月雖堪主豈忍重經丁卯
橋 又趙昱詩故人繡谷翁素業今有後插架饒萬卷郎
君能密受昨歲賦北征目繫心慘愀一編手澤新故物爲
吾取歸來屬流詠父客若某某遺書重丁卯感逝在癸丑
雲煙洵過眼聚散無乃偶身沈名自飛家禪學業久太息
予索居賤老邱樊守五載京國游踏蹬風塵走還將舊雨
尋室是人琴否瓶花坐空齋老藤延几牖憶翁耽典籍愛
護等瓊玖往往許假鈔校十得其九叢書精審過運管勤
不苟嗟哉衣食謀勿爲飢寒詬吾亦示兒曹制矩緬良友

誠以蒲公言三復真不朽自注繡谷藏書頗矜惜不輕借
人獨許予抄予所藏多繡谷亭本予偶得善冊先生見之
亦必取以勘定 又金志章詩樓居插架逾萬籤五車四
庫皆能兼丹黃一一手勘定部分鱗次何精嚴就中名集
數丁卯槩本最古心所快何年一鴟竟羽化巧偷豪奪生
憎嫌六丁冥搜苦無計廿載抱憾歸幽潛讀書繼緒有令
子手澤每念襟常霑驅車偶然適燕市輒紅撲面塵纖纖
朝聞邸舍打門急有客持售初開函衛公故物忽驚覩悲
喜交集敬拜瞻卷端題識認遺墨左方印記留朱鈐呵護
定蒙鬼神力點澹未受蟲魚穢探囊購贖敢辭罄百鍔索
賈甯嫌貪楚弓楚得足深慰摩挲緇玩忘飢饑羽陵蠹簡

其什襲宛委祕冊同包緘攜歸陳書告先子水沉細炷方
銅匱孝思靈爽共感召丁部重入如新添熊熊日上吐光
氣南極果應星文占抽思騁祕發高咏妙處神味超酸醎
同時題贈悉巨手雕章麗句盈細縑唯余經年負夙諾苦
吟屢斷霜髭拈郢州有知應大笑笑我細響徒詰詰不如
韜筆且藏拙靜看花影搖風簾 又厲鶚詩今人號知書
事簡效頗速揣摩盈尺編姓氏春官錄翩然扛天門高步
嘲宿讀我友繡谷翁種學恥微涿盡出橐中金萬卷購連
屋述作資見聞校勘窮反覆同心有數子牽連乃到僕渠
成亦秦利借寫誇眼福翦韭論深宵對榻就家塾每歎津
逮難散亡思並蓄翁俄爲飛仙墓拱十年木有子能繼之

衣食自節縮蒐羅及叢殘更續西齋目昨去長安游閱市
淚滿菊詩題丁卯橋手澤喜重復紛紛紈袴兒膏粱果癡
腹諒哉坡公言如倚几折足插架本無多易炊只供鬻凌
雲當一笑知勿恨雌伏

千年樹根化為擔來伴碧厨三萬籤誰向西州一灑淚懷君
更及趙東潛 王德溥容大

杭郡詩輯王德溥字容大號澹和錢唐諸生事親至孝營
幽竈十厯寒暑陸筱飲飛爲畫種松圖以寄哀先是其父
鈞字馭陶耄年歸里闢養素園以自娛樹石池館之勝甲
於里中澹和喜聚書又築寶日軒爲藏書之所祕冊古槧
充牣其中 又王曾祥茨檐食貧力學館爨不給嘗假館

繡谷吳氏小山趙氏養素王氏皆藏書家茨檐左右采獲
益肆力爲古文詞 又汪興穀字穎齋號松谷又號小麓
晚號幻香仁和人爲趙誠夫之甥王容大之女孫壻以未
得親炙爲憾嘗於春草園覓曠亭額不得歎曰昔趙氏爲
祁氏外孫藏書大半歸之復得此額構亭以存其舊今趙
氏書籍散佚而王氏養素園所藏亦復零落余不能珍弄
繼起爲可愧耳 昌熾案澹和集中有過西馬塍市見樹
根逼肖三足蝦蟇漫成短篇云千年樹餘盤根化爲蟾可
長存入市相逢買得歸摩挲拂拭忘朝昏張頤如虎撐雙
目似躍兩足一足蹲背上瘳磊長肉芝疑有熒煌之光如
吐吞 金顧裴題王馭陶耕讀圖高廩屯紅粒香芸繞碧

廚

竹西觴咏街南屋簾幙春深燕子斜一卷異書剛讀罷陶然
同醉碧山槎

馬曰琯秋玉 曰璐佩兮

杭世駿馬君墓志銘君諱曰琯字秋玉號嶰谷祁門人祖承運始家於揚考謙生君及季弟曰璐合四方名碩結社韓江人比之漢上題襟玉山雅集著詩十卷今所行沙河逸老集是也春秋六十有八卒無子以曰璐子振伯爲後鶴徵後錄曰璐字佩兮號半槎有南齋集注云馬氏小玲瓏山館儲書之富著於東南半槎與兄嶰谷並擅清才沈酣深造不僅充漁獵之資吾浙如樊榭董浦謝山諸先生咸主其家竹西觴咏之盛于斯爲最 全祖望叢書樓

記揚州馬氏嶰谷半查兄弟居之南有小璫瓏山館園亭明瑟而巋然高出者藜書樓也逆屢十萬餘卷予南北往還道出此閒苟有宿留未嘗不借其書而嶰谷相見寒暄之外必問近來得未見之書幾何其有聞而未得者幾何隨予所答輒記其目或借鈔或轉購窮年兀兀不以爲疲其得異書則必出以示予席上滿斟碧山朱氏銀槎侑以佳果得予論定一語卽浮白相向方予官於京師從館中得見永樂大典萬冊驚喜貽書告之半查卽來問寫人當得多少其直若干從與予甚銳予甫爲鈔宋人周禮諸種而遽罷官歸途過之則屬予鈔天一閣所藏遺籍蓋其嗜書之篤如此 姚世銓叢書樓銘重屋聯榜叢書於閒經

史子集搜羅駢闐學古有獲非託空言維孝友于奉以周
旋三才一貫百行同源讀書種子此爲最先仰瞻高樓遙
睇陳編我揭斯義如日中天慶雲所護過者式焉 沙河
逸老集街南書屋十二詠其蔡書樓云下規百弓地上蓄
千載文他年親散帙惆悵豈無人 又南齋集詩卷帙不
厭多所重先皇墳惜哉飽白蟬撫弄長欣欣 何琪小玲
瓏山館觀汪雪礪所藏宋刻江湖小集詩我來廣陵三月
半簾幙家家飛紫燕城東有園春尙賒芳樹初飄花一片
主人嗜古兼耽吟歐趙風流今再見朝來示我詩一編睦
親坊刻此爲冠綠蘿陰裏乍開函醜醜古香紛撲面
門外香溪送客帆氛氳花藥滿靈巖池塘猶繞孤山夢兄弟

何嘗痛不成 吳錫容齋 子用儀拙菴 成佐懶菴 孫秦
來竹嶼 元潤蘭汀 英簡舟 曾孫志忠有

吳志忠璜川吳氏經學叢書緣起璜川者吾曾祖容齋先
生自題其書屋之名也曾祖於雍正年守吉安歸田後居
瀆川遂初園讀書其中架上萬卷皆祕笈也所以題書屋
曰璜川者以我曾祖生於新安之璜源隨我高祖鄉賢公
僑居松江之上海老而自松遷蘇以故里題其讀書處懷
舊之思也是時載酒問奇而來者如惠松厓徵君輩盡吳
下知名士而我家遂以璜川吳氏著矣曾祖歿後我祖最
幼故無知書籍之散逸若北宋本禮記單疏今歸曲阜孔
氏者其最顯者耳我祖懶庵先生重自蒐羅書樓三楹環

列四周有樂意軒書目四卷嬾庵偶存稿八卷讀史小論
二卷行於世昔人論藏書有二一則聚書者之藏書一則
讀書者之藏書如我祖非所謂讀書者之藏書歟然樂意
軒所藏書至今又分析遺散矣家君獨好甲部書著有經
句說二十餘卷其續者正未央也 顧廣圻呂衡州文集
序吳茂才有堂家藏足本有堂名志忠先世在吳中負藏
書望所謂璜川吳氏者也 陳奐師友淵源記吳志忠字
有堂與余爲中表昆弟簡舟先生名英篤學年八十著有
經句說四卷有堂承庭訓又與同郡黃蕘圃顧澗蘋交游
故長於目錄校勘之學 湖海詩傳吳泰來字企晉號竹
嶼長洲人乾隆二十五年進士內閣中書有淨名軒集

蒲褐山房詩話企晉大父吉安太守銓歸築遂初園於不
瀆雲林杳靄花藥參差其尊人用儀復購書數萬卷於其
中多宋元善本遂與江浙諸名士流連觴詠座無俗客既
而兄弟爭析產出藏書而貨之并售其園 陳鱣經籍跋
文宋本禮記注疏向爲吳門吳拙庵行人所藏傳其子企
晉 聽秋聲館詞話王蘭泉司寇琴畫樓詞鈔獨遺吳蘭
汀大令元潤香溪瑤翠詞豈因其中葳闥牆薄而屏之耶
大令長洲人官衛輝知縣爲竹嶼中翰弟其園居春晚有
懷竹嶼兄時客武林祝英臺近云歎離索幾回夢繞池塘
相思渺難託夜雨聯牀空憶舊時約思君門掩孤山倚闌
吟徧對滿院楊花飄泊是其始非不怡怡也 平津館鑿

藏書籍記唐四傑詩有吳元潤印澤均長洲吳謝堂氏香
雨齋珍藏書畫印朱記又陵陽集有謝堂香雨齋吳氏珍
藏圖書朱記 開有益齋讀書志金陵六朝記二卷唐尉
遲偃纂勞君平甫得明嘉靖辛丑散山山人校閱樂意軒
吳氏藏本 持靜齋書目歷代傳國世次有璜川吳氏探
梅山房印又東萊集有樂意軒吳氏藏書印 昌熾案以
上諸書璜川吳氏藏書始於吉安太守銓卽所稱容齋先
生也用儀號拙庵成佐號嬾庵皆銓之子英子簡舟成佐
之子與竹嶼蘭汀爲從昆弟有堂則英子也澤均當爲元
潤之字謝堂亦其別號又按粵雅堂叢書中吳紀問妙道
人跋下有志忠小印則妙道人者當爲有堂之號卽宋樓

藏書志 康集有道光十五年妙道人一跋亦志忠筆也

唐書宰相世系表史游姓氏急就篇華陽仙裔牽連錄猶及
斯文未墜年 顧若霖雨時 孫珊聽玉 顧至於山

上禮居題跋記余向聞任蔣橋顧氏有宋刻吳郡志倩人
訪求得諸華陽橋顧聽王家華陽卽任蔣分支也聽玉之
祖雨時先生喜蓄異書手自雘勘其舊抄續圖經有跋云
雍正十二年夏五月既望於崑山徐氏購得葉文莊藏本
校一過 又云棠陰比事藏試飲堂顧氏顧名珊號聽玉
余素與之好其所藏閒亦歸余 陸恭越州石氏帖跋余
爲館甥於武陵外舅復庵先生諱自名字明善尊甫可潛
先生諱霖字雨時號不淄道人博學多聞搜訪法書名畫

宋刊書籍復庵公繼之藏古之名聞於吳郡 昌熾案楹
書隅錄舊鈔本說文韻譜有武陵懷古書屋收藏印記顧
若霖印雨時樂幽居士各印鐵琴銅劍樓書目寓齋有顧
若霖朱筆記云康熙辛丑孟冬日校合之續圖經跋知其
人當在康雍間蕘圃硯箋以試飲堂顧氏本校其跋中又
稱顧侍萱茂才侍萱聽玉之子余曾見韓履卿崇白雲無
盡圖有顧翔雲題詩韓氏後人告余云侍萱卽翔雲之號
桂舫尙書延主家塾履卿先生爲其中表尊行而又受業
者也任蔣橋顧氏主人號竹君見蕘圃宋本管子跋又騎
龍巷顧氏名至見汪水雲詩跋王勝之同年藏程念鞠鄧
尉探梅圖顧至題詩自署於山有結客皆老蒼一印

羅衣釀麴翁甕池編竹自爲傭眼光偶向門攤顧成削

頭如老驄 丁敬敬身

杭大宗隱君丁敬傳隱君名敬字敬身號鈍丁自稱龍泓
山人家在候潮門外鄰保皆野人也釀麴自給身傭
販未嘗自異顧好金石之文窮巖絕壁手自摹搨著武林
金石錄性耽羣籍家貧不能出重貲購買門攤市集眼光
所注無留良焉小樓三楹屛尾滿室叢殘不復整理皆異
冊也有三子健與傳皆諸生少子佺亦能詩 汪師韓朱
西峻鳳尾硯歌丁處士敬身所贈作歌報之逋客錢唐丁
翰之婆娑術藝作者師相將一片玉質研何似半卷青蘿
衣自注唐丁翰之居龍泓洞笠澤叢書丁隱君歌云華陽

道士南游歸手中半卷青蘿衣自言逋客持贈我乃是錢
唐丁翰之自余爲此詩敬身遂自號龍泓館主 仇養正
懷丁鈍丁詩龍泓居士真奇古戍削骨頭如老驄鐵筆獨
傳秦漢法搜碑終日在山中

